

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. III. Varii dicendi modi circa prædestinationem ex meritis Christi.

**urn:nbn:de:hbz:466:1-13718**

SECTIO SECUNDA.

*Quo pacto Christus causa fuerit nostra  
Prædestinationis.*

I. **P**RIMA Conclusio: ex dictis præcedente Sectione constat à fortiori posse Christum esse causam meritoriam totius nostræ Prædestinationis, si per Prædestinationem nostram non intelligatur aliud, quæm series beneficiorum supernaturalium, nobis inexistentium, ut est gratia primæ vocationis, iustificatio, perseverantia, &c. in modo licet in Prædestinatione involvantur etiam occasiones externæ, ut prædictio fidei, miracula, & alia hujusmodi. Si vero in serie Prædestinationis, tanquam illius partem includi quis velit Incarnationem ipsam, & opera ac merita Christi, sic mereri nobis Christus nequit totam nostram Prædestinationem.

II. **D**e facto Christus nobis meruit totam nostram Prædestinationem.

Secunda Conclusio: Christus de facto nobis meruit totam nostram Prædestinationem, primo modo acceptam: ita Suarez de Incarn. Disp. 41. l. 2. Valq. ibid. Disp. 77. & alii communiter, contra Capreolum, & alios nonnullos dicentes sub Christi merito non cadere primam vocationem, seu dispositionem ad gratiam.

III. **C**ur quædam negat Christum esse causam nostræ Prædestinationis.

Docet ergo Capreolus, & alii quidam, licet mercatur Christus ut vocati, credentes, contriti, baptizati, &c. recipiant gratiam, non tamen ut videntur, credant, &c. Ratio eorum est primo, alioqui enim, inquit, gratia jam non esset gratia, cum Christus eam meruerit ex iustitia, & consequenter non est gratia, sed debitum. Secundo, quia quod hic credant, baptizentur, &c. potius quam alii, pendet ex mero Dei prædestinantis beneplacito. In quo forte vocati sumus, prædestinati secundum propositorum ejus, qui operatur omnia secundum consilium voluntatis sue.

IV. **C**hristus ipsius etiam dispositiones ad iustificationem nobis meruit.

Sed hanc sententiam in Scholis audiendam non est affirmat Suarez citatus, tum ob illud ad Ephesios 1. verl. 3. Benedixit nos in omni benedictione spirituali in calcibibus in Christo; Ergo non iustificationem tantum, sed dispositiones etiam ad iustificationem habemus per Christum: tum ob alia Scriptura testimonia, ubi hoc passim traditur. Concilium etiam Tridentinum id videtur satis aperte declarasse Sess. 6. cap. 5. his verbis: Declarata preterea, ipius iustificationis exordium in adulis à Dei per Christum IESVM præveniente gratia sumendum esse; hoc est ab ejus vocatione, &c.

V. **V**iterius ostenditur Christum nobis meruisse tam prædestinationem.

Cum ergo Christus sit perfectissime Redemptor, eisque merita valoris fuerint simpliciter infiniti, & apta ad longè majora nobis præmia promerenda, non est cur hanc ei gloriam quis neget, ut totius seriei iustificationis causa nobis fuerit & auctor, nihilque omnino sit in ordine gratia, quod illi acceptum non referamus, si sine incommmodo id fieri possit; posse autem constabat ex argumentorum, qua à contraria sententiæ Auctoribus afferuntur, solutione: quæ planè levia sunt ad tantam Christum gloria privandum.

VI. **D**ispositiones illæ ad iustificationem, Christo erant debitum, nobis gratia.

Ad primum ergo ex iis, quæ num. 3. proponebantur, Respondetur: etiæ auxilia illa & dispositiones ad gratiam Christo debeantur ex iustitia, nobis tamen dantur gratis, id est sine ullo merito nostro, & hoc sensu dicit Apostolus ad Roman. 3. vers. 24. nos iustificari gratis per gratiam ipsius, ut etiam affirmit Concilium Tridentinum Sess. 6. c. 8. Quando ergo S. Augustinus libro de Prædestinacione.

Sanctorum, cap. 5. afferit, tam gratis iustificari hominem, quæ gratis Deus factus est homo, intelligentius est, tam ex nullo merito suo dari gratiam peccatori, quæ ex nullo merito humanitatis Christi data ei est gratia unionis.

Ad secundum, eodem numero 3. propositum, dico, licet afferemus nostram præ aliis electionem in Christum, sua his potius quæ illis merita efficiaciter applicantem, esse refundendam; hoc tamen non obstante, quod hic præ illo eligatur, tribui potest Deo prædestinanti, utpote qui voluntatem Christi cretam moverit, ut hos potius, quæ illos eligendos designaret, iisque merita ad hunc finem peculiariter applicarer: & hoc abunde sufficit ad solutionem argumenti: sicut & ad illud, quod objiciunt aliqui, hinc nimis sequi totam prædestinationem refundi in humanam voluntatem Christi.

Utrum autem Christus determinatè pro his in particulari merita sua applicerit, ut prædestinentur, est alterius loci, spectatque ad materiam de Incarnatione: hic tamen obiter diversos variorum, variè hac de re sentientium dicendi modos referam, & postea quid verisimilius videatur aperiam.

SECTIO TERTIA.

*Varii dicendi modi circa Prædestinationem ex meritis Christi.*

**P**ATER Herice hic Disp. 29. cap. 3. P. Alarcon L. p. tract. 4. Disp. 3. cap. 5. num. 7. P. Arriaga hic, Disp. 37. sect. 5. & alii affirmant Christum determinatè hos potius quæm alios elegisse, iisque in particulari sua merita applicuisse. Hoc in primis probat P. Herice ex iis Scripturæ locis, in quibus afferuntur omnia in Christi manus tradita esse. Sic Joan. 13. v. 3. dicitur: *Sciens quia omnia dedit ei Pater in manus.* Item Matth. 11. v. 27. *Omnia mihi tradita sunt à Patre meo.* Per omnia autem S. Chrysostomus & Theophylactus intelligunt, omnia spectantia ad hominum salutem. Unde cum Matth. 28. v. 18. dixisset Christus: *Data est mihi omnis potestas in celo & in terra,* statim subiunxit: *Euntes ergo docete omnes gentes &c.* ut indicaret hanc potestatem principiæ spectare ad hominum salutem: at vero in negotio salutis nihil tanti momenti est, ac electio prædestinatorum; ergo hæc peculiariter à Patre est Christo permisæ: nisi enim hoc ipsi fuisset concessum, sed sibi id Pater reservasset, omnis in hoc genere potestas Christo data non fuisset.

Quod autem in his locis Christus de se loquatur, non ut Deo, sed ut homine, constat: primo enim dicit sibi datum esse potestatem, omnia tradita esse &c. ut autem Deus est, à nemine hæc ei dari aut tradi possunt. Deinde inter se & Patrem hac in re distinguit; ut Deus autem idem est cum Patre. Ego certè, quod minus hoc fieri possit, prædestinatione hac ratione à Christo eligi, non video; cum ergo ad gloriam Christi Redemptoris nostri pertineat, & ex Scriptura testimoniis iam adductis suaderi videatur, puto hanc sententiam esse valde probabilem. Quid autem haec de re sentiam, dicam infra, num. septimo.

Id tamen notandum, dum dicitur Christum fuisse causam cur hi prædestinentur, non sequi eum esse causam exclusionis aliorum; nec enim merendo ut his

# Christus est causa meritoria nostra Prædestinationis. Sect. III. 235

his daretur gratia congrua, merebatur ut aliis non daretur. Hoc tamen sufficit ad electionem, etiam quā electio est, seu preferendo unum alteri; ad hoc enim sufficit, quod specialiter hunc favorem præstet uni, quem non præstat alteri. Et quoad hoc idem est si electio fiat a Deo; nec enim unum eligendo, vult positivè excludere alium; nec volendo hunc salvare, vult alium dannare: sed parasitus est illū salvare, si datae sibi gratiae velit cooperari.

IV.  
Secunda sententia affirmans Christum electionem prædestinationis rerum relativa Patri.

Alii Christum aiunt merita sua, & pretium sanguinis indiscriminatim Deo pro omnibus obtulisse; determinationem autem in particulari, seu electionem horum potius quam aliorum ad gratiam congruam, vel gloriam, Patri aeterno reliquisse: ita Molina hic, quast. 23. art. 4. Disp. 2. Suarez to. 1. in 3. p. disp. 41. sect. 4. & hic lib. 2. cap. 24. num. 12. & 21. Tannerus 1. p. disp. 3. q. 4. dub. 2. num. 10. & alii.

V.  
Prædicta sententia magis explicatur.

Dicunt ergo hi Auctores Christum, dum adhuc in terris ageret, sua merita pro hominum salute obtulisse, eaque omnibus generatim applicuisse, ex quo factum est, inquit, ut Deus nullam omnino gratiam dederit, nisi intuitu meritorum Christi. Specialiter tamen aiunt Christum gratiam efficiacem his potius quam illis non petuisse. Et, ut verum fatetur, plus quam hoc ex Scripturis efficaciter probari non potest: nullus enim est locus in quo Christus oratione dicitur pro solis prædestinatis, idque ut gratiam efficacem recipere: unde videamus orationem in cruce, quae tamen omnium videtur efficacissima, Centurioni fuisse efficacem, non aliis multis, pro quibus tamen una cum illo facta a Christo fuerat ad Patrem. Preces vero illas Joan. 17. a Christo fuisse, non ad solos Apostolos, aut etiam solos prædestinatos spectabant; sed ad omnes fideles, ut patet ex verso 20. quibus unionem inter fidei & concordiam postulat, atque etiam perseverantiam: non tamen omnibus petuit gratiam ad hac efficacem, cum omnes eam per Christum merita non obtinuerint.

Preces illa Christi pro omnibus sunt fusa.

Hic etiam dicendi modus est probabilis: solum in eo non salvator quo pacto Christus majorem amorem ostenderit erga electos, quam erga reprobos, nec quod illi magis sint ei obstricti, quam isti: affectus quippe ejus, ut aiunt, erga omnes est æqualis: effectu autem licet prædestinati plus accipiunt, id tamen Christo juxta hanc sententiam est per accidentem; neque enim, ut docent hi Auctores, hoc Christus intendebat, sed totum Patri permisit. Sicut si dives quispiam ingentem vim pecunia reliquisset ad redemptionem captivorum, nullus in particulari designando, sed hoc integrè relinquendo voluntati alterius: quod hi potius quam illi redimantur, non huic diviti, sed alteri, qui istos in particulari determinavit, acceptum referre debent: inquit illi qui non sunt redempti, æqualiter ei sunt obstricti, cum quantum in ipso erat, æquè eos redemerit, ac alios.

Res ipsa ex exemplo ab huminis de sumpto declaratur.

Mediâ itaque via, inter has duas sententias extremitate inter se oppositas, incedendum, ostendendumque, et si Christus determinationem prædestinatum reliquerit Patri, quod tamen hi potius electi sint quam illi, in Christi humanam voluntatem esse refundendum. Dico itaque, Christum sua merita pro omnibus obtulisse, ita tamen, ut singularem complacentiam respectu quorundam circa eorum prædestinationem habuerit, quam complacentiam non habuit respectu aliorum. Quamvis ergo ipse absolutè nullos designaverit, quod tamca facere potuisset, ut probant loca Scripturæ, supra num. 1. pro primâ sententiâ allata, sed designationem omnem in hoc prædestinationis negotio aeterno Patri reliquerit, Pater tamen videns hanc voluntatis Christi propensionem, illos determinavit, erga quos peculiarem illius vidit complacentiam, sicque exauditus est pro sua reverentia, tum illa, quæ ob summam dignitatem ac sanctitatem ei debebatur, tum etiam illa, quam erga Patrem grecbat, omnia ejus voluntati permittendo. Et sicut perfectio obedientie in eo sita est, ut quis ad minimum signum voluntatis superioris obtemperet; ita perfectio amoris ac dilectionis, quam aeternus Pater erga Filium habuit maximam, in hoc consistit, ut minimo desiderii ejus dato signo, rem quam cupit concedat, ut hic cum fecisse, mihi longè est probabilius. Quod multò adhuc est probabilius, si dicamus, Christum per scientiam conditionatam cognovisse, aeternum Patrem eos determinaturum, erga quos ille peculiarem hanc complacentiam habuisset.

Hoc modo etiam intelligitur, qua ratione Christus causa fuerit prædestinationis antiquis Patribus, qui Christum antecellerunt, gratiamque iis meruerit, etiam primis parentibus, saltem reparatam. Licet ergo illi Christum tempore præcesserint, & per aliquam scientiam cognoverit ejus anima illos habuisse gratiam, & fuisse prædestinatos, potuit nihilominus habere alium actum, ratione vel naturâ scientiam illam antecedentem, quo homines illos repræsentaret, vel secundum se, & præscindendo à gratia, vel etiam ut possibiles, & ab hac cognitione directus orare pro iis potuit, ut gratiam recipierent, & habere etiam potuit complacentiam illam, de qua diximus numero præcedenti: deinde ubi Deus ex hac Christi oratione dederit iis gratiam, & intuitu hujus complacentias eos prædestinaverit, potuit Christus per aliam scientiam, naturâ posteriore, cognoscere eos habere gratiam, & esse prædestinatos. Quare non recte P. Valsquez

Opinio P.  
Valsquez  
de merito  
Prædestina-  
tionis.

hic, Disp. 94. cap. 3. num. 21. dicit, licet Christus pro iis oraverit, & merita sua peculiariter illis applicuerit ut prædestinarentur, qui post eum vivebunt, nec orare tamen, nec merita applicare potuisse antiquis Patribus, & illis qui eum tempore præcesserunt.

VII.  
Offenditur  
prædestina-  
torum deter-  
minacionē.  
Et Christo,  
& Patri se  
tribuenda.

Christi ex-  
auditus est  
pro sua re-  
verentia;  
Ad Hebr. 5.  
v. 7.

VIII.  
Quo modo  
Christus  
oraverit pro  
antiquis Pa-  
triis.